

吳興備志

三

新刊
吳興
縣志

PDG

吳興備志卷之七

烏程董斯張遐周彙編

官師徵第四之六

州邑

漢嚴詵字少通治嚴氏春秋馮君章句爲烏程長舉廉
遷東牟侯相下邳祝長典牧十城所任若神

趙明誠金

石錄

費鳳烏程人試守故鄣長

洪适隸釋詳人物

吳駱統字公緒會稽人時饑荒鄉里及遠方客多有困
乏統爲之飲食衰少其姊仁愛有行寡居無子見統甚
哀之數同其故統曰士大夫糟糠不足我何心獨飽姊

曰誠如是不告我而自苦若此乃自以私粟與統又以告母母亦賢之遂使分施由是顯名孫權以將軍領會稽太守統年二十試爲烏程相民戶過萬咸歎其盛惠加於民權嘉之召爲功曹行騎都尉妻以仲兄女

陳

壽吳志

統有集十卷見隋經籍志

孫河字伯海堅族子也出後姑俞氏後復姓爲孫河質性忠直訥言敏行有氣幹能服勤少從堅征討嘗爲前驅後領左右兵典知內事待以腹心之任又從策平定吳會從權討李術破之拜威寇中郎將領廬江太守

吳

書 河爲烏程長見吾粲傳

晉殷康爲武康令教曰郭邑居民有死喪者可令送兩

甘粥 太平御覽

陶範字道則侃第十子也侃諸子中最知名歷尚書祕書監

陶侃別傳範烏程令見世說已入掌故

賀循字彥先山陰人節操高厲好學博聞舉秀才除陽羨武康令顧榮陸機陸雲表薦之曰伏見吳興武康令賀循德量遽茂才鑒清遠歷踐三城刑政肅穆守職下縣州黨帖然召爲太子舍人元帝時領太子太傅時朝廷初建動有疑議宗廟制度皆循所定爲一時儒宗贈司空諡曰穆

虞預晉書

隋經籍志賀循集十八卷又喪服要記十卷

張亢字季陽安平人載協弟也才藻不逮二昆亦有屬

綴又解音樂伎術時人謂協載亢陸機雲曰二陸三張
中興初過江領著作郎補烏程令入爲散騎常侍復領
佐著郎

晉書

前烏程令張亢依蔡邕注明堂月令中台要解又綴
諸家麻數而爲麻讚祕書監荀崧見讚異之云信該
羅麻表義矣

王隱晉書

計裴字季顯義興陽羨人烏程令

晉百官名參許氏譜

張按裴已載掌故第不詳其邑里耳故出之

河內司馬颺爲烏程令將赴職戴洋曰君宜深慎下吏
颺後果坐吏免官洋又謂曰卿雖免官十一月當作郡
加將軍至期爲太山太守振武將軍

晉書

袁猷字申甫陽夏人少與兄瓌齊名尋相率渡江瓌爲
丹陽令猷爲武康令有政聲歷侍中衛尉卿
羊不疑泰山南城人烏程令歷桂陽太守

夏侯惇譙郡人爲烏程令孫恩自海襲會稽有眾數萬
於是吳郡陸環吳興王延等凡八郡一時俱起殺長吏
以應之吳興太守謝邕嘉興公顧胤與惇等皆遇害

上

冊府元龜脩作裔避宋諱耳

宋臧謨之東莞人元嘉中爲尙書都官郎烏程令

以下

沈約宋書

劉亮彭城人大明中爲武康令時境內多盜鑄錢亮掩

討禽殺以千計歷封順陽侯歷梁益二州刺史

劉秀之字道寶東莞人司徒穆之從兄子也爲無錫陽羨烏程令竝著能名封康樂郡公歷尙書右僕射謚忠成

虞玩之字茂瑤餘姚人少閑刀筆汎涉書史仕宋爲烏程令路太后外親朱仁彌犯罪依法錄治太后怒訴孝武坐免官歷驍騎黃門郎

宋文帝以彭城王義康嫌隙旣成乃誅劉湛及烏程令盛曇泰等曇泰爲義康所遇

顧覲之字偉仁吳人元嘉中爲東遷令後爲吳郡太守風節過峻終湘州刺史謚曰簡子覲之常執命有定分

非智力所移惟應恭已守道信天任運乃以其意命弟子愿作定命論

張祐高平人歷武康錢唐令竝著能名時有北地傳僧祐潁川陳珉竝以吏才見知宋世言長吏者必以三人爲首

何敬叔東海郟人也齊長城令有能名在縣清廉不受禮遣夏節至忽榜門受餉數日中得米二千餘斛他物稱是悉以代貧人輸租

南史

裴松之字世期河東人博覽墳籍立身簡素義熙初爲故鄣令轉中書侍郎上使注陳壽三國志松之鳩集傳訛廣增異聞旣成奏之上覽之曰裴世期可不朽矣

裴松之義熙初爲吳興故鄣令在縣有績入爲尚書祠部郎松之以世立私碑有乖事實上表陳之以爲請欲立碑者宜悉令言上爲朝議所許然後聽之庶可以防遏無徵顯彰茂實由是口斷

南史

隋經籍志宋大中大夫裴松之集十三卷又裴氏家傳四卷集注喪服經傳一卷

荀下之大明七年烏程令

詳祥孳微

江秉之字元叔歷烏程建康令遷臨海太守竝以簡約見稱在郡嘗作一書案去官留以付庫

王偉之爲烏程令廉介特甚書籍之外家無長物

偉之少有志尚當世詔命表奏輒自書寫泰元隆安

時事小大悉撰錄之子韶之因此私撰晉安帝陽秋
宋書

沈懷遠武康令 亦見隋經籍志

武康令謝沈 宋書蔡興宗傳

朱齡石字伯兒沛人也武帝以爲鎮軍參軍遷武康令
歷雍州刺史

張岱爲東遷令時殷沖爲吳興太守謂人曰張東遷親
貧須養所以棲遲下邑然名器方顯終當致大位
岱詳見郡守

沈攸之孝建七年爲龍驤將軍武康令

沈文秀字仲遠武康人初爲郡主簿功曹起家東海王

參軍遷武康令

詳人物徵

傅琰字季珪靈州人杜宋爲武康令遷山陰令著能名二縣皆謂之傅聖賜爵新亭侯元徽中遷尚書左丞琰與父僧祐竝有奇績時云諸傅有理縣譜子孫不以示人時山陰令王仲起長城令何敬叔故鄣令王寂之皆有能名而不及琰也

南史

齊庾肅之孔欣之俱武康令肅之迎沈道虔爲立宅道虔隱居鄉里相率受學欣之厚爲貲給焉

南史

南齊顧昌言烏程令坐父法秀宋泰始中戰亡遺骸不反而昌言宴樂如常有司請加以清議

說傳

昌言吳郡吳人

豫章文獻王蕭嶷字宣儼太祖第二子起家爲太學博

士長城令

南齊書

傅暎字徽遠靈州人爲武康令高祖師次建康吳興太守袁昂自謂門世忠貞固守臣節乃訪於暎暎勸其背昏向明尋以公事免天監初除建安王長史烏程令所受俸祿悉歸於兄累遷光祿卿

蘇侃字休烈涉獵書傳宋口出身正員將軍補長城令

南齊書

何遠字義方郢人梁武踐祚以奉功封廣興男後爲武康令愈厲廉節除淫祀正身率職人甚稱之太守王彬巡屬縣諸皆盛供帳以待焉至武康遠獨具糗水而已

彬去遠送至境進牛酒隻鵝而別彬戲曰卿禮有過陸
納將不爲古人所笑乎武帝聞其能擢爲宣城太守自
縣爲近畿大郡近代未之有也其輕財好義周人之急
言不虛妄蓋天性也每戲語人云卿能得我一妄語則
謝卿以一縑畝其伺之不能記也

梁書

褚雲字士洋陽翟人爲曲阿烏程延陵令竝稱清慎歷
御史中丞湘東王諮議參軍

陰鏗字子堅姑臧人善五言詩爲時所重釋褐梁湘東
王法曹行參軍累遷晉陵太守員外散騎常侍有集三
卷

鏗有罷故鄣令詩集一卷見隋志

伏挺字士標平昌人好屬文樂安任昉深相歎異齊末
州舉秀才對策爲當時第一高祖義師至挺迎謁於新
林高祖見之甚悅謂曰顏子引爲征東行參軍時年十
八天監初除中軍參軍事宅居在潮溝於宅講論語聽
者傾朝累爲晉陵武康令罷縣還仍於東郊築室不復
仕後出仕尋除南臺治書因事納賄當被推劾挺懼罪
遂變服爲道人久之藏匿後遇赦因此還俗太清中客
遊吳興侯景亂中卒著邇說十卷文集二十卷

范岫字懋賓濟陽考城人外祖顏延之早相品題以爲
中外之寶仕齊爲長城令歷梁吏部尙書

江蒨濟陽人淹子也襲封臨沮縣伯自丹陽尹丞爲長

城令有罪削爵普通四年高祖追念淹功復封爲吳昌伯

殷不佞字季卿長平人少立名節居父喪以至孝稱好讀書尤長吏術承聖初爲武康令

竝上

沈文阿字國衛武康人仕梁爲五經博士簡文在東宮引爲學士及侯景寇逆簡文別遣文阿招募士卒入京師城陷與張嶮共保吳興嶮敗文阿竄於山野景素聞其名求之甚急文阿窮迫不知所出登樹自縊遇有所親救之便自投而下折其左臂及景平高祖以文阿州里表爲原鄉令

以下陳書

梁元帝於荊州卽位授姚察原鄉令

察武康人詳人物

周弘正字思行汝南安城人梁都官尙書入陳歷國子祭酒尙書右僕射諡曰簡子所著周易講疏十六卷論語疏十一卷莊子疏八卷老子疏五卷孝經疏二卷集二十卷行于世

隋經籍志弘正爲安吉令見陳書

庾持字元德鄆陵人父沙彌長城令持篤志好學尤長書記以才藝聞解褐爲安吉令天嘉初遷尙書左丞以預長城之功封崇德縣子歷大中大夫

徐秀鄉人年十五擢高第歷德清長城丹陽三縣令

顏

真卿贈梁州都督徐府君碑

王實唐宰相涯父也湖州安吉縣令贈尙書刑部員外

郎 英華王涯家廟碑

韋鐸京兆人烏程令 唐宰相世系表

孫尙復武邑人德清令

李濬後魏平棘令系之裔鄭邃滎陽人竝武康令 竝上

李寵渤海王 烏程令 唐宗室世系表

解禹字德遠天寶中舉進士爲湖州安吉縣令用薦爲

吉州刺史 解春雨集

李清字士澄登天寶十二年進士宰烏程嘗有詠石季

倫詩 唐詩紀事

清皇家子名公之胤忠肅明懿以將其身清簡仁惠
以成其政絃歌二歲而流庸復者六百餘室廢田墾